

吳
興
藝
文
補

吳興藝文補卷之四十八目錄

范純仁

答劉孝叔吏部見寄

蘇軾

和孫同年卞山龍洞禱晴

孫名覺見前

與王郎昆仲及兒子邁遶城觀荷花登峴山亭

入飛英寺分歌得月明星稀四首

與客遊道場何山得鳥字

端午遍遊諸寺得禪字

藝文補

卷四十八

目次

送張嘉父長官

送俞節推

尚之子

夢中作詩寄朱行中

有序

答徑山長老

維縑

讀孟郊詩二首

韓退之孟郊墓銘云以昌其詩舉此問王定國當

其身邪昌其詩也來詩下語未及此答之

孫莘老求墨妙亭詩

莘老名覺

與胡祠部遊法華山

又次前韻贈賈耘老

清遠舟中寄耘老

次韻答賈耘老

次韻周開祖長官見寄

寄劉孝叔

送劉寺丞赴餘姚

寺丞湖州人

將之湖州戲贈莘老

吳中田婦歎

和賈收韻

畫魚歌

湖州道中作

送戴蒙赴成都玉局觀將老焉

戴蒙吳興人

乘舟過賈收水閣收不在見其子三首

劉孝叔會虎丘

莘老葺天慶觀小園有亭北向道士山宗說乞名

與詩

亭名歸雁

和章七出守湖州二首

章名惇

和林子中待制

子中名希郡守

泛舟城南會者五人分韻賦詩得人皆苦炎字四

首

次韻劉貢父李公擇見寄二首

公擇見前

次韻答孫侔

和邵同年戲贈賈收秀才三首

張子野年八十五尚聞買妾述古今作詩

贈張刁二老

次韻劉燾撫句蜜漬荔支

次韻答元素余舊有贈元素云天涯同是傷流落

元素以爲今日之先兆且悲當時六客之存亡

六客蓋張子野劉孝叔陳令舉李公擇元素與

余也

舶趨風

并序

丁公默送蝤蛸

題沈氏天隱樓

宿餘杭法喜寺後綠野亭望吳興諸山懷孫莘老
學士

元日次韻張先子野見和七夕寄莘老之作

城南縣尉水亭得長字

和致仕張郎中春晝

余歸自道場何山遇大風因憩耘老溪亭命官奴

秉燭奉硯寫風竹一枝題詩云

雪上訪道人不過

半月泉

在德清

與莫同年雨中飲湖上

君陳

欲往湖州見孫莘老別公輔希元彥遠醇之穆仲

贈孫莘老七絕

和張子野見寄三絕

湖州與王郎夜飲井水

次韻章子厚飛英留題

過泗上喜見張嘉父二首

回先生過湖州東林沈氏飲醉以石榴皮書其家

東老菴之壁西蜀和仲聞而次其韻三首

書王晉卿西塞風雨畫

李行中醉眠亭三首

行中見前

蘇轍

送文與可知湖州

與可名同

和子瞻自徐移湖將過朱都途中見寄

送琳長老還大明山

次韻子瞻將之吳興贈孫莘老

次韻子瞻題孫莘老墨妙亭

次韻子瞻吳中田婦歎

送青州簽判俞退翁致仕還湖州

次韻姚孝孫判官見還岐梁唱和詩集

姚孝孫安
吉人

次韻李公擇以惠泉答章子厚新茶二首

次韻吳興李行中秀才見寄并求醉眠亭詩二首

梁山泊見荷花憶吳興五絕

次韻

送吳師道道人歸吳興二絕

答琳長老寄幽蘭白朮黃精三本二絕

次韻題西塞風雨畫卷

文同

寄題湖州沈秀才天隱樓

孫覺

遊龍洞

曾鞏

和酬孫少述

和孫少述侯職方同燕席

寄孫正之

孫少述示近詩兼仰高致

寄孫莘老吳興墨妙亭

鮑山

在烏程

釋維琳

見前

問蘇子瞻學士疾

白雲堂

在武康

有司欲取寺松供朝用感賦

釋道潛

吳興道中寄子瞻與少游同賦

子瞻赴守湖州

少游與余同載因遊惠山覽唐處士王武陵賓萃朱宏詩追用其韻

醉眠亭

送琳上人還杭

贈潛照月師

同吳興尉錢濟明南溪泛舟

和孫莘老遊龍洞

茗溪道場山

戲招李無悔

夏夜知果懷武康令毛澤民

過王師室觀雪川范生梅花

吳興藝文補卷之四十八目錄終

吳興藝文補卷之四十八

烏程董斯張遐周橐編

閔元衢康侯叅輯

韓昌箕仲弓增定

答劉孝叔吏部見寄

范純仁

一自淮陽阻見賢
俄驚壯齒變衰年
宦游嗟我身名玷
早退輸君福壽延
別後童顏應不改
何時醉袂復相連
白頭猶忝山城守
常愧君恩未盡宣

和孫同年卜山龍洞禱晴

蘇軾

吳興連月雨
釜餽生魚蛙
往問卜山龍
曷不安厥家
梯

山上巉絕俯視驚谿神井湧雲蓋陰崖垂薜花交流
百道泉赴壑走群蛇不知落何處隱隱如縲車我來叩
石戶飛鼠翻白鷗寄語洞中龍睡味豈不嘉雨師少弭
節雷師亦停撾積水得反壑稻苗出泥沙農夫免菜色
龍亦飽豚蝦看君擁黃紬高卧放早衙

與王郎昆仲及兒子邁遶城觀荷花登峴山亭晚
入飛英寺分歌得月明星稀四首

蘇軾

昨夜雨鳴渠曉來風襲月蕭然飲秋意溪水清可啜環
城三十里處處皆佳絕蒲蓮浩如海時見舟一葉此間

真避世青藜低白髮相逢欲相問已逐驚波沒

清風定何物可愛不可名所至如君子草木有嘉聲我行本無事孤舟任斜橫中流自偃仰適與風相迎舉杯屬浩渺樂此兩無情歸來兩溪間雲水夜自明

茗水如漢水鱗鱗鴨頭清吳興勝襄陽萬瓦浮青冥我非羊叔子愧此峴山亭悲傷意此同歲月如流星從我兩王子高鴻插脩翎湛輩何足道當以德自銘

吏民憐我懶闔訟日已稀能爲無事飲可作不夜歸復尋飛英遊盡此一寸暉撻鐘履聲集顛倒山雲衣我來

無時節杖屨自推扉莫作使君看外似中已非

與客遊道場何山得鳥字

蘇軾

清溪到山盡飛路盤空小紅亭與白塔隱見喬木杪中
休得小庵孤絕寄雲表洞庭在北戶雲水天渺渺庵僧
俗緣盡淨業洗未了十年畫鵲竹益以詩自繞高堂儼
像設禪客各深窈奔泉何處來華屋過溪沼何山隔幽
谷去路青且悄長松度翠蔓絕壁掛啼鳥我友自杭來
尚歎所歷少歸途風雨作一洗紅日燎我驚萬竅號黑
霧捲蓬蓼舟人紛變色坐羨輕鷗矯我獨換酒杯醉死

勝流好書生例強狠造物空煩擾更將掀舞勢把燭畫
風篠美人爲破顏正似腰肢嫋明朝便陳迹清景墮空
杳作此記餘歡萬古一昏曉

端午遍游諸寺得禪字

蘇軾

肩輿任所適遇勝輒留連焚香引幽步酌茗開淨筵微
雨止還作小窻幽更妍盆山不見日草木自蒼然忽登
最高塔眼界窮大千卞峰照城郭震澤浮雲天深沉旣
可喜曠蕩亦所便幽尋未云畢墟落生晚煙歸來記所
歷耿耿清不眠道人亦未寢孤燈同夜禪

送張嘉父長官

蘇軾

都城昔傾蓋駿馬初服輶再見江湖間秋鷹已離鞲于
今三會合每進不少留豫章旣可識瑚璉誰當收微官
有民社妙割無鷄牛歸來我益敬器博用自周百年子
初筵我已迫旅酬但當記苦語高節貫白頭

送俞節推

尚之子

蘇軾

吳興有君子澹如朱絲琴一唱三歎息至今有遺音嗟
予與夫子相避如辰參猶喜見諸郎窈然清且深異時
多良士末路喪初心我生不有命其肯枉尺尋

夢中作 寄朱行中 有序

蘇軾

前一日夢中作此詩寄朱行中覺而記之自不曉所謂謾寫去夢中分明用此色紙也

舜不作六器誰知貴璵璠哀哉楚狂士抱璞號空山相如起睨柱頭璧與俱還何如鄭子產有禮國自閑雖微韓宣子鄙夫亦辭環至今不貪寶凜然照塵寰

荅徑山長老

徑山長老無畏大士維琳湖之武康人也

蘇軾

與君皆丙子共已三萬日一日一千偈電往那容詰大患緣有身無身則無疾平生笑羅什神呪真浪出

讀孟郊詩二首

蘇軾

夜讀孟郊詩細字如牛毛寒燈照昏花佳處時一遭孤
芳擢荒穢苦語餘詩騷水清石鑿鑿湍激不受篙初如
食小魚所得不償勞又似煮彭蠡竟日嚼空螯要當關
僧清未足當韓豪人生如朝露日夜火銷膏何苦將兩
耳聽此寒虫號不如且置之飲我玉卮醪

我憎孟郊詩復作孟郊語饑腸自鳴喚空壁轉饑鼠詩
從肺腑出出輒愁肺腑有如黃河魚出膏以自煮尚愛
銅斗歌鄙俚頗近古桃弓射鴨罷獨速短簑舞不憂踏

船翻踏浪不踏土吳姬霜雪白赤脚浣白紵嫁與踏浪兒不識離別苦歌君江湖曲感我長羈旅

韓退之孟郊墓銘云以昌其詩舉此問王定國當昌其身邪昌其詩也來詩下語未及此答之

蘇軾

昌身如飽腹飽盡還當饑昌詩如膏面爲人作容姿不如昌其氣鬱鬱老不衰雖云老不衰却懷安所之不如昌其志志壹氣自隨養之塞天地孟軻不吾欺人言魏勃勇股栗向小兒何如魯連子談笑却秦師謹勿怨謗

讒乃我得道資淤泥生蓮花糞壤出茵芝賴此善知識
使我枯生萑吾言豈須多冷煖子自知

孫莘老求墨妙亭詩

蘇軾

蘭亭蠶紙人昭陵世間遺迹猶龍騰顏公變法出新意
細筋入骨如秋鷹徐家父子亦秀絕字外出力中藏稜
嶧山傳刻典刑在千載筆法留陽水杜陵評書貴瘦硬
此論未公吾不憑短長肥瘦各有態玉環飛燕誰敢憎
吳興太守真好古購買斷缺揮縑繒龜趺入坐螭隱壁
空齋晝靜聞登登竒蹤散出走吳越勝事傳說誇友朋

書來乞詩要自寫爲把栗尾書谿藤後來視今猶視昔
過眼百世如風燈他年劉郎憶賀監還道同時須伏膺

與胡祠部遊法華山

蘇軾

陂湖欲盡山爲界始見寒泉落高派道人未放泉出山
曲折虛堂瀉清快使君年老尚兒戲綠棹紅船舞澎湃
一笑翻杯水濺裙餘懽濯足波生隘長松攬天龍起立
蒼藤倒谷雲崩壞仰穿蒙密得清曠一覽震澤吁可怪
誰云四萬八千頃渺渺東盡日所矚歸塗十里盡風荷
清唱一聲聞露薤嗟予少小慕真隱白髮青衫天所械

忽逢佳士與名山何異枯楊便馬疥君猶鸞鶴偶飄墮
六翮如雲豈長鑱不將新句紀茲處恐負山中清淨債

又次前韻贈賈耘老

蘇軾

具區吞滅三州界浩浩湯湯納千派從來不著萬斛船
一葦漁舟恣奔快仙壇古洞不可到空聽餘瀾鳴泮泮
今朝偶上法華嶺縱觀始覺人寰隘山頭卧碣弔孤冢
下有至人僵不壞空餘白棘網秋蟲無復青蓮出幽怪
我來徙倚長松下欲掘茯苓親洗驪聞道山中富奇藥
往往靈芝雜蒨薤詩人空腹待黃精生事只看長柄械

今年大孰期一飽食葉微蟲真癡疥白花半落紫穠香
攘臂欲助磨鎌鋤安得山泉變春酒與子一洗尋常債
清遠舟中寄耘老

蘇軾

小寒初度梅花嶺萬壑千巖背人境清遠聊爲泛宅行
一夢分明墮鄉井覺來滿眼是湖山鳴綠波搖鳳凰影
海陵居士無雲梯歲晚結廬潁水湄山腰自懸蒼玉珮
野馬不受黃金羈門前車蓋獵獵走笑倚清流數鬢絲
汀洲相見春風起白蘋吹花散烟水萬里飄蓬未得歸
目斷滄浪淚如洗北鴈南來遺素書苦言大浸沒我廬

清齋十日不燃鼎曲突往往巢龜魚今年玉粒賤如水
青銅欲買囊已虛人生百年如寄爾七十朱顏皆有幾
有子休論賢與愚倪生枉却帶經鋤天南看取東坡叟
可是平生廢讀書

次韻答賈耘老

蘇軾

五年一夢南司州饑寒疾病爲子憂東來六月井無水
仰看古堰橫奔牛平生管鮑子知我今日陳蔡誰從丘
夜航爭渡泥水澁牽挽直欲來瓜洲自言嗜酒得風痺
故鄉不敢居溫柔定將泛愛救饑寒衰病不復從前樂

今年大守真卧龍笑語炎天出水電時低九尺蒼鬚髯
過我三間小池閣故人改觀爭來賀小兒不信猶疑錯
爲君置酒飲且哦草間秋蟲亦能歌可憐老驥真老矣
無心更秣天山禾

次韻周開祖長官見寄

開祖名邵元豐二年知湖州時作

蘇軾

俯仰東西閱數州老於岐路豈伶優初聞父老推謝令
旋見兒童迎細侯政拙年年祈水旱民勞處處避朝謳
河吞巨野那容塞盜入蒙山不易搜仕道固應慙孔孟

扶顛未可責，出求漸謀田。舍道讓祿，未稅風壽且勞州。
罔罔可憐真，喪徇時時相觸。是虛舟，竭來震澤都如夢。
只有苕溪可倚樓。野釀酸醅，如蜜不樂工零落，似風吹。
遠思頽柳，并諸謝近憶張陳，與老劉風定軒牕飛豹脚。
雨餘欄檻上蝸牛，舊遊到處皆蒼蘚。同甲惟君尚黑頭。
憶昔湖山共尋勝，相忘杯酒兩忘憂。醉看梅雪清香過，
夜棹風船駭汗流。百首共成山上集，三人俱作月中遊。
海南未起垂天翼，澗底仍依徑寸床。已許秋風歸使得，
豫憂詩筆老難酬。此生歲月行飄忽，晚節功名亦謬悠。

犀首正緣無事飲馮驩應爲有魚魯從今便踏青州屐
薄酒知君笑督郵

寄劉孝叔

蘇軾

君王有意誅驕虜椎碎銅山鑄銅虎聯翩三十七將軍
走馬西來各開府南山伐木作車軸東海取蠶繡戰鼓
汗流奔走誰敢後恐乏軍興汙資斧保甲連村圍未遍
方田訟牒紛如雨爾來手實降新書決別根株窮脉縷
詔書惻怛信忠厚吏能淺薄空勞苦平生學問止流俗
衆裏笙竽誰比數忽令獨奏鳳將雛倉卒欲吹那得譜

况復連年苦饑饉剥齧草木啖泥土今年雨雪頗應時
又報蝗蟲生翅股憂來洗盞欲強醉寂寞虛齋卧空甕
公厨十日不生煙更望紅裙踏筵舞故人屢寄山中信
只有當歸無別語方將雀鼠偷太倉未肯衣冠挂神武
吳興文人真得道平生立朝非小補自從四方冠蓋閑
歸作二浙湖山主高蹤已自雜漁釣大隱何曾弃簪組
去年相從殊未足問道已許談其粗近將棄官往卒業
俗緣未盡那得覩公家只在雪溪上上有白雲如白羽
應憐進退苦皇皇更把安心教初祖

送劉寺丞赴餘姚

寺丞湖州人

蘇軾

中和堂後石楠樹與君對牀聽夜雨玉笙哀怨不逢人
但見香煙橫碧縷謳吟思歸出無計坐想蟋蟀空房語
明朝開鎖放觀潮豪氣正與潮爭怒銀山動地君不看
獨愛清香生雲霧別來聚散如宿昔城郭空存鶴飛去
我老人間萬事休君亦洗心從佛祖手香新寫法界觀
眼淨不覷燈伽女餘姚古縣亦何有龍井白泉井勝乳
千金買斷顧渚春似與越人降日注

將之湖州戲贈莘老

蘇軾

餘杭自是山水窟側聞吳興更清絕湖中橘林新著霜
溪水茗花正浮雪顧渚茶芽白於齒梅溪木瓜紅勝頰
吳兒膾縷薄欲飛未去先說饒涎垂亦知謝公到郡久
應惟杜牧尋春遲鬢絲只好對禪榻湖亭不用張水嬉

吳中田婦歎

和賈收韻

蘇軾

今年粳稻熟苦遲庶見霜風來幾時霜風來時雨如瀉
杷頭出菌鎌生衣眼枯淚盡雨不盡忍見黃穗卧青泥
茅苫一月隴上宿天晴獲稻隨車歸汗流肩頰載入市
價賤却與如糠粃賣牛納稅折屋炊慮淺不及明年饑

官今要錢不要米西北萬里招羗兒龔黃滿朝人更苦
不如却作河伯婦

畫魚歌

湖州道中作

蘇軾

天寒水落魚在泥短鉤畫水如耕犁渚蒲拔折藻荇亂
此意豈復遺鰕鯢偶然信手皆虛擊本不辭勞幾萬一
一魚中刃百魚驚蝦蟹奔忙誤跳擲漁人養魚如養雛
挿竿貫笠驚鷓鴣豈知白挺鬧如雨攪水覓魚嗟已踈

送戴蒙赴成都玉局觀將老焉

蒙本名莊吳興人慶曆六年賈黯榜

登第後改名蒙

蘇軾

拾遺被酒行歌處野梅官柳西郊路
閑道華陽版籍中
至今尚有城南杜我欲歸尋萬里橋
水花風葉暮蕭蕭
辛魁徑尺誰能盡
楳木三年已足燒
百歲風狂定何有
羨君今作峨眉叟
縱未家生執戟郎
也應世出埋輪守
莫欺老病未歸身
玉局他年第幾人
會待子猷清興發
還須雪夜去尋君

乘舟過賈收水閣收不在見其子三首

蘇軾

愛酒陶元亮能詩張志和
青山來水檻白雨蒲魚蓑
淚

垢添丁面貧低舉案蛾不知何所樂竟夕獨酣歌
嫋嫋風蒲亂倚倚水荇長小舟浮鴨綠大杓瀉鵝黃得
意詩酒社終身魚稻鄉樂哉無一事何處不清涼
曳杖青苔岸繫船枯柳根德公方上冢季路獨留言已
占蒲漁港更開松菊園從茲來往數兒女自磨門

劉孝叔會虎丘

蘇軾

白簡威猶凜青山興已濃鶴閑雲作態駝卧草埋峰跪
履若可教卜鄰應見客因公問回老何處定相逢

莘老葺天慶觀小園有亭北向道士山宗說乞名

與詩

蘇軾

春風欲動北風微歸鴈亭邊送鴈歸蜀客南遊家最遠
吳山寒盡雪先晞扁舟去後花絮亂五馬來時賓從非
惟有道人應不忘抱琴無語立斜暉

和章七出守湖州二首

蘇軾

方丈仙人出渺茫高情猶愛水雲鄉功名誰使連三捷
身世何緣得兩忘早歲歸休心共在他年相見話徧長
只應未報君恩重清夢時時到玉堂

絳闕雲臺總有名應須極貴又長生鼎中龍虎黃金賤

松下龜蛇綠骨輕
雪水未渾纓可濯
弁峰初見眼應明
鵲巖春靄真堪羨
獨占人間分外榮

和林子中待制

蘇軾

雨翁留滯各皤然
人笑迂疎老更堅
共把鴟夷一尊酒
相逢卯色五湖天
江邊遺愛啼斑白
海上先聲入管絃
早晚淵明賦歸去
浩歌長嘯老斜川

汎舟城南會者五人分韻賦詩得人皆苦炎字四

首

蘇軾

城中樓閣似魚鱗
不見清風起白蘋
試選荻溪昆嶺深處

仍呼我輩不羈人
窺船野鶴何曾下
見燭飛蟲定自馴
遶郭荷花一千頃
誰知六月下塘春

苦熱誠知處處皆
何當危坐學心齋
海螯要共詩人把
溪月行遭霧雨霾
鄉國飄零斷書信
弟兄流落隔江淮
便應築室苕溪上
荷葉遮門水浸階

紫蟹鱸魚賤如土
得錢相付何曾數
碧筒時作象鼻彎
白酒微帶荷心苦
運肘風生看斫脰
隨刀雪落驚飛縷
不將醉語作新詩
飽食應慙腹如鼓

橋上遊人夜未厭
共依水檻立風簷
樓中煮酒初嘗芡

月下新粧半出簾南郭清風繼顏謝北窗歸卧等羲炎
人間寒熱無窮事自笑踈頑不受疢

次韻劉貢父李公擇見寄二首

時公擇知湖州貢父亦在江浙東坡

字客

蘇軾

白髮相望兩故人眼看時事幾番新曲無和者應思郢
論稍卑之且借秦歲惡詩人無好語夜長鰥守向誰親
少思多睡無如我鼻息如雷撼四鄰

何人勸我此間來絃管生衣旣有埃綠蟻濡唇無百斛
蝗蟲撲面已三回磨刀入谷追窮寇灑涕巡城拾棄骸

爲郡鮮歡君莫歎猶勝塵土走章臺

次韻答孫侔

蘇軾

十年身不到朝廷欲伴騷人賦落英但得低頭拜東野
不辭中路伺淵明艤舟若雪人安在下築江淮計已成
千里論交一言足與君蓋亦不須傾

和邵同年戲贈賈收秀才三首

蘇軾

傾蓋相歡一笑中從來未省馬牛風卜鄰尚可容三徑
後社終當作兩翁古意已將蘭緝佩招詞閑詠桂生叢
此身自斷天休問白髮年來漸不公

朝見新莢出舊槎騷人孤憤苦思家五噫處士太窮約
三賦先生多誕誇帳外鶴鳴奩有鏡筒中錢盡案無鮭
玉川何日朝金闕白晝關門守夜叉

生涯到處似檣鳥科第無心摘領鬚黃帽刺船忘歲月
白衣擔酒慰鰥孤狙公欺病來分栗水伯知饒爲出鱸
莫向洞庭歌楚曲烟波渺渺正愁予

張子野年八十五尚聞買妾述古令作詩

蘇軾

錦里先生自笑狂莫欺九尺鬚眉蒼詩人老去鴛鴦在

公子歸來鷺鷥忙
柱下相君猶有齒
江南刺史已無腸
平生謬作安昌客
略遣彭宣到後堂

贈張刁二老

蘇軾

兩邦山水未淒涼
二老風流總健彊
共成一百八十歲
各飲三萬六千觴
藏春塢裏鶯花鬧
仁壽橋邊日月長
惟有詩人被磨折
金釵零落不成行

次韻劉燾撫句密漬荔枝

蘇軾

時新滿座聞名字
別久何人記色香
葉似楊梅蒸霧雨
花如盧橘傲風霜
每憐尊棗下鹽豉
肯與蒲萄壓酒漿

回首驚塵卷飛雪詩情真合與君嘗

次韻答元素余舊有贈元素云天涯同是傷流落
元素以爲今日之先兆且悲當時六客之存亡六
客蓋張子野劉孝叔陳令舉李公擇元素與余也

蘇軾

不愁春盡絮隨風但喜丹砂入頰紅流落天涯先有識
摩挲金狄會當同蘧蘧未必都非夢了了方知不落空
莫把存亡悲六客已將地獄等天宮

舩趁風

并引

蘇軾

吳中梅雨旣過颺然清風彌旬歲歲如此湖人謂之
舶趁風是時海舶初回云此風自海上來舶俱至云
爾

三句已過梅黃雨萬里初來舶趁風幾處繁回度山曲
一時清駛滿江東驚飄簌簌先秋葉喚醒昏昏嗜睡翁
欲作蘭臺快哉賦却嫌汾別問雌雄

丁公默送螭蚌

蘇軾

溪邊石蟹小如錢喜見輪囷赤玉盤半殼含黃宜點酒
兩螯斫雪勸加餐寶珍海錯聞名久怪雨腥風入座寒

堪笑吳興饒太守一詩換得兩尖團

題沈氏天隱樓

蘇軾

樓上新詩三百篇三吳處士最應賢
非夷非惠真天隱忘世忘身恐地仙
散盡黃金猶好客歸來碧瓦自生煙
霜犀美璞無人識蔚蔚空驚草木妍

宿餘杭法喜寺後綠野亭望吳興諸山懷孫莘老

學士

蘇軾

徙倚秋原上淒涼晚照中
水流天不盡人遠思何窮
問諜知秦過看山識禹功
稻粱初伏蛤蜊柳老半書蟲
荷背

風翻白蓮腮雨退紅追遊慰遲暮覓句做兒童北望若
溪轉遙憐震澤通烹魚得尺素好在紫髯翁

元日次韻張先子野見和七夕寄莘老之作

蘇軾

得句牛女夕轉頭參尾中青春先入牀白髮不遺窮酒
社我爲敵詩壇子有功縮頭先夏鼈實腹鄙秋蟲莫唱
裙垂綠無人臉斷紅舊交懷賀老新進謝終童袍鶴雙
雙瑞腰犀一一通小蠻知在否試問躡屨翁

城南縣尉水亭得長字

蘇軾

兩肘鬱相望東南百步塲插旗蒲柳市伐鼓水雲鄉已
作觀魚檻仍開射鴨堂全家依畫舫極目亂紅粧漱漱
波頭細踈踈雨腳長我來閑濯足溪漲欲浮牀澤國山
圍裏孤城水影傍欲知歸路處葦外記風檣

和致仕張郎中春晝

蘇軾

投綬歸來萬里輕消磨未盡祗風情舊因蓴菜求長假
新爲楊枝作短行不禱自安緣壽骨深藏難沒是詩名
淺斟盃酒紅生頰細啄歌詞穩稱聲蝸殼卜居心自放
蠅頭寫字眼能明盛衰閱過君應笑寵辱年來我亦平

卷四十一
十八
跪履數從圯下老
逸書閑問濟南生
東風屈指無多日
只恐先春鶡鴒鳴

余歸自道場何山遇大風因憇耘老溪亭命官奴
秉燭棒硯寫風竹一枝題詩云
蘇軾

更將掀舞勢把燭畫風篠美人爲破顏
憐此腰肢裊
雪上訪道人不遇
蘇軾

花光紅滿欄草色綠無岸
不逢青眼人長歌白石爛

半月泉

蘇軾

請得一日假來遊半月泉
何人施大手劈破水中天

與莫同年雨中飲湖上

君陳

蘇軾

到處相逢是偶然
夢中相對各華顛
還來一醉西湖雨
不見跳珠十五年

欲往湖州見孫莘老別公輔希元彥遠醇之穆仲

蘇軾

秋來欲見紫髯翁
待得梅花細萼紅
記取上元燈火夜
道人猶在水晶宮

贈孫莘老七絕

蘇軾

嗟予與子久離群
耳冷心灰百不聞
若對青山談世事

當須舉白便浮君

天目山前綠浸裾
碧瀾堂下看銜鱸
作堤捍水非吾事
閒送蒼溪入太湖

夜來雨洗碧巖岵
浪湧雲屯遶郭寒
聞有弁山何處是
爲君四面竟求看

夜橋燈火照溪明
欲放扁舟取次行
暫借官奴遣吹笛
明朝新月到三更

三年京國厭藜蒿
長羨淮魚厭楚糟
今日駱駝橋下泊
恣看修網出銀刀

烏程霜稻襲人香
釀作春風
霽水光時復中之徐邈聖
毋多酌我次公狂

去年臘日訪孤山
曾借僧牕半日閑
不爲思歸對妻子
道人有約徑須還

和張子野見寄三絕

蘇軾

前生我已到杭州
到處長如到舊遊
更欲洞霄爲隱吏
一菴閒地且相留

過舊遊

狂吟跌宕無風雅
醉墨淋漓不整齊
應爲詩人一回顧
山僧未忍掃黃泥

見題壁

柏堂南畔竹如雲此閣何人是主人但遣先生披鶴氅
不須更畫樂天真

竹閣見憶

湖州與王郎夜飲井水

蘇軾

吳興六月水泉溫千頃荷花聚暗蚊此井獨能深一丈
源龍如故亦如君

次韻章子厚飛英留題

蘇軾

款段曾陪馬少游而今人在鳳麟洲黃公酒肆如重過
杳杳白蘋天盡頭

過泗上喜見張嘉父二首

蘇軾

眉間冰玉照淮明
筆下波瀾老欲平
直得全生如許妙
不知形謀已多名

空翠娛人意自還
明窻一榻共秋閑
會知名利不到處
定把清觴屬此山

回先生過湖州東林沈氏飲醉以石榴皮書其家
東老庵之壁西蜀和仲聞而次其韻三首

蘇軾

世俗何知窮是病
神仙可學道之餘
但知白酒留佳客
不問黃公覓素書

符離道士晨興際華岳先生戶鮮餘忽見黃庭冊篆句
猶傳青紙小朱書

淒涼雨露三年後髣髴塵埃數字餘至用榴皮綠底事
中書君豈不中書

書王晉卿西塞風雨畫

蘇軾

斜風細雨到來時我本無家何處歸仰看雲天真弱笠
旋收江海入蓑衣

李行中醉眠亭三首

蘇軾

已向閒中作地仙更於酒裏得天全從教世路風波惡

賀監僞工水底眠

君且歸休我欲眠人言此語出天然醉中對客眠何害
須信陶潛未若賢

孝先風味也堪憐肯爲周公晝日眠枕麪先生猶笑汝
枉將空腹貯遺編

送文與可知湖州

蘇轍

連持梁洋印久作溪山主深知爲郡樂但畏買茶苦來
歸天祿閣坐守登聞鼓九重未明入百辟盈庭舞城南
獨歸卧心事誰當語舊聞吳興勝試問天公耶家貧索

裝盡歲莫輕帆舉茗溪淨多石弁嶺瘦無土湖藕雪水
絲山茶潑牛乳香粳飯玉粒鮮鯽鱸紅縷宮開水精潔
人寄畫屏住俗吏自難堪詩翁正當與從來思清絕况
乃病新愈團團肘後丹高高胷中素高卧鎮夸俗清談
靜煩訴應笑杜紫薇湖亭但狂顧

和子瞻自徐移湖將過宋都途中見寄

蘇轍

梁園久蕪沒何以奉君遊故城已耕稼臺觀皆荒丘池
塘塵漠漠鴈鷺空遑留俗衰賓客盡不見枚與鄒輕舟

舍我南吳越多清流

送琳長老還大明山

蘇轍

身老與世疎但有世外緣五年客江西掃軌謝往還依
依二三老示我馬祖禪身心忽明曠不受垢污纏偶成
江東游欲別空悽然緣散衆亦去飄若風中煙華陽本
荒邑縉素明星懸偶然得老尉舊依育王山璉公善知
識不見十九年我昔未聞道問以所入門告我從信入
授我普眼篇冉冉百尺松起自一寸根南歸髮盡白尺
書今始傳不知鄰邑中乃有門人賢百里走相訪觸熱

汗雨翻懷中出詩卷清絕如斷蟬我適病寒熱氣力才
絲絲空齋默相向欲語不能宣未暇荅佳意歸錫鏘金
環空有維摩病愧無維摩言

琳公爲育王璉禪師法嗣見續燈錄及育王山志師
吳興人

次韻子瞻將之吳興贈孫莘老

蘇轍

宦遊莫向長城窟冬冰折膠絃亦絕吳中臘月百事便
蟹煮黃金鱸膾雪京城舊友一分散近憶吳興須滿煩
世事反覆如翻飛今日共絲前益垂畏人但恐去不達

適意未覺歸來遲借問校讎天祿閣如何江海同遊嬉

次韻子瞻題孫莘老墨妙亭

蘇轍

高岸爲谷谷爲陵一時豪傑空飛騰身隨造化不復返
忽若野雀逢蒼鷹當年碑刻最深固風吹土蝕消無稜
遺文漫滅雨中迹翠石斷裂春後冰古墳欲毀野廟廢
行人不去征鞍憑書生耽翫立風雪飢驅厭苦疲奴憎
愛之欲取恨無力旋揉翠墨濡黃絹不如好事孫太守
牛車徒置華堂登遶牆羅列耀珪璧罷燕起讀留賓朋
却思遺迹本安在原隰處處荒榛藤田夫野老誰復顧

鬼火夜照來寒燈廢興聚散一如此反使涕泗沾人膺

次韻子瞻吳中田婦歎

蘇轍

久雨得晴唯恐遲旣晴求雨來何時今年舟楫委平地
去年簑笠爲裳衣不知天公誰怨怒棄置下土塵與泥
丈夫強健四方走婦女齷齪將安歸塌然四壁倚機杼
救拾遺粒吹糠粃東鄰十日營一炊西鄰誰使救汝饑
海邊唯有鹽不旱賣鹽連坐收嬰兒傳聞四方同此苦
不關東海誅孝婦

送青州簽判俞退翁致仕還湖州

蘇轍

不作清時言事官海邦那復久盤桓
早依蓮社塵緣少
新就草堂歸計安富貴暫時朝露過
江山故國水精寒
宦遊從此知多事收恥撈伽靜處看

次韻姚孝孫判官見還岐梁唱和詩集

蘇轍

伯氏文章豈敢知岐梁偶有往還詩
自憐兄力能兼第
誰肯墳終不聽箴西號春游池百頃
南溪秋入竹千枝
恨君曾是關中吏屬和追陪失此時

次韻李公擇以惠泉答章子厚新茶二首

蘇轍

無錫銅瓶手自持新芽顧渚近相思故人贈答無千里
好事安排巧一時蟹眼煎成聲未老兔毛傾看色尤宜
槍旗攜到齊西境更試城南金線奇

金線泉在齊州城南

新詩態度富春雲肯把篇章妄與人性似好茶常自養
交如泉水久彌親唾濃正想羅聲發食飽尤便粥面勻
底處翰林長外補明年誰送雪溪春

次韻吳興李行中秀才見寄并求醉眠亭詩二首

蘇轍

才堪簿領更無餘贏得十年閑讀書寵辱何須身自試

窮愁不待酒驅除故人歸去無消息佳句新來屢卷舒

前日使君今在此不妨時復置雙魚

李公擇自吳興移
濟南右和見寄

是非一醉了無餘惟有胷中萬卷書已把人生比邊傳

更將江浦作階除欲眠賓客從教去倒卧氍毹豈暇舒

京洛舊遊真夢裏秋風無復憶鱸魚

右醉眠亭

梁山泊見荷花憶吳興五絕

次韻

蘇轍

南國家家漾綵艫芙蓉遠近日微明梁山泊裏花發

忽憶吳興十里行

終日舟行花尚多清香無奈着人何更須月出波光淨
卧聽漁家蕩槳歌

行到平湖意自寬繁花仍得就舡看回頭却向吳儂說
從此遠遊心未闌

花開南北一舡紅路過江淮萬里通飛蓋靚粧迎客笑
鮮魚白酒醉舡中

燕蒲出沒風波際鴈鴨飛鳴霧雨中應爲高人愛吳越
散於齊魯作南風

送吳思道道入歸吳興二絕

蘇轍

一去吳興十五年東歸父老幾人存
惠山唯有錢夫子一寸閒田曉日暉

遨遊海上冀逢人宴坐山中長閉門
去住只今誰定是相逢一笑各無言

答琳長老寄幽蘭白朮黃精三本二絕

蘇轍

谷深不見蘭生處追逐微風偶得之
鮮肫清香本無染更因一嗅識真如

老僧似識衆生病久在山中養藥苗
白朮黃精遠相寄

知非象馬費柔調

次韻題西塞風雨畫卷

蘇轍

雨細風斜欲暝時
凌波一葉去安歸
遙知夜宿蛟人室
浪卷波分不著衣

寄題湖州沈秀才天隱樓

文同

自念久不偶
歸老東南州
地名水精宮
家有天隱樓
收捲勢利心
欲與汗漫遊
出處固以義
無爲子光羞

遊龍洞

孫覺

側徑縈紆入杳冥
神鑱鬼鑿露巖扃
天懸乳石映華蓋

壁隱莓苔蠹翠屏九道寒江雲外白一池陽井雪中青
還同康樂登臨海可共羊何筆不停

和酬孫少述

曾鞏

自信簞瓢樂寧羞猿鶴驚論高知峻節交淡見純誠自
昔心無間相逢眼更明何當薦有道坐想軟輪迎

和孫少述侯職方同燕席

曾鞏

兩翁頭白喜追陪好事鈴齋燕席開臘在未消盈尺雪
春歸先放一枝梅况無庭下書投鰕更盡筵中酒滿杯
周召二南皆絕唱柳楊賡和媿非材

寄孫正之

曾鞏

貌癯心苦氣飄飄長餓空林不可招能舉丘山惟筆力
可磨雲石是風標詩篇綴緝應千首學術窺尋豈一朝
耳冷高談經歲遠江南春動雪還消

孫少述示近詩兼仰高致

曾鞏

大句闕篇久擅場一函初得勝琳琅少陵雅健材孤出
彭澤清閑興最長世外麒麟誰可係雲中鴻鴈本高翔
白頭多病襄陽守展卷臨風欲自強

寄孫莘老湖州墨妙亭

曾鞏

隆名盛位知難久壯字豐碑亦易忘棗木已非直篆刻
色絲空喜好文章峴山漢水成虛擲大廈深簷且秘藏
好事今推雪溪守故開新館集琳琅

鮑山

曾鞏

雲中一點鮑山青東望能令兩眼明若道人心似矛戟
山中那得叔牙城

問蘇子瞻學士疾

釋維琳

扁舟駕蘭陵自煥舊風日君家有天人雄雄維摩詰我
口吞文珠千里來問疾若以默相酬露柱皆咲出

白雲堂

釋維琳

堂與碧山對白雲長作隣日暮白雲合誰見白雲心

有司欲取寺松供朝用感賦

釋維琳

大夫去作棟梁材無復清陰覆綠苔今夜月明風露冷
悞他千里鶴飛來

吳興道中寄子瞻與少游同賦

釋道潛

弱性嗜幽散出門隨所便蓮房紛可襲林幄正高褰群
木含晨景孤撐破宿烟逶迤屯秀嶽宛轉瀉清漣
匝藤花暗崖垂桂影圓引雛鳴鵠鵠解籜露嬋娟恍若經

愚谷渾疑渡輞川
葑田青泛泛石葛蔓綿綿
緬想醉山簡相從狂謫仙
援毫更妙韻愧乏碧雲妍

子瞻赴守湖州

少游與余同載因遊惠山覽唐處士王武陵竇群朱宏詩追用其韻

各賦三首

釋道潛

山烟弄滅沒山木含葱蒼
刺舟傍遙岸理策升虛堂
周遭層巘矯矯如翱翔
下瞰平田流澹然浮日光
青笏解初鐸洗雨聞清香
雖云迫前途真賞豈易忘

松門暗朝雨寂歷無行人
隆曦忽穿漏卉木蔚以新
堦前漱石齒照眼光磷磷
史君美無度卓犖遺賢塵
風標

傲竹栢談笑凌穹旻何愧沉冥子卧霞吞結璘

揚帆渡江來洗眼驚翠樾雲姿旣容喬鳥哢更清絕凌
梯訪前蹤琬琰亦未滅嗟我魚目光疇能綴明月狂墨
掃琅玕風煙坐中發殊勝區中人茫茫走飛轍

醉眠亭

釋道潛

嘗聞李謫仙飲酒興無盡醉來臥空山天地卽衾枕當
時放迹奇流俗不可近君今外形骸與世不拘窘寸心
含虛曠萬事一以泯開亭向幽圃朝夕事醉寢茅簷落
日半醒時起對嬋娟拂搔軫

送琳上人還杭

釋道潛

聚水作一雨多少近遠隨所遭或霑枯茅僅濡浹或入
巨海成波濤少林真風今百紀悵惜至此何蕭條喜君
齊志早寂寞同我十載淪芻蕘含冲嗜漠不自厭更欲
刺口嘗群餽師門祖席在在有得此失彼良自嘲揭來
東南走千里但願刈楚逢翹翹駛浮長川不憚惡陟彼
巨巘寧知勞誠專志苦若有相行斷西壤逢英豪金鉗
扣天玄櫬廓玉電激海明珠高星霜因循共千日誰爾
使予先行包湖山蜿蜒湖水薄湖上幽人想如昨秋入

芙蓉露已溥曉捲簾櫳暑初却明明潭底見行雲謾謾
空中聞唳鶴此景從來吾已知異鄉寧羨君先歸由來
出處元無隔同看明朝日上時

贈潛照月師

釋道潛

吳興上人心志苦筆研十年耕學圃形癯骨瘦神獨清
耿若霜鷗立秋浦錦囊新詩殊汗漫妙語間發猶稽古
銖鋤冗長更磨揉激濁疏清導靈府自然韻勝遺島可
遠跋淵明追步武瓶盂勸子適四方莫學匏瓜甘墮窾
崇山廣澤徧遊覽始信憑高極天宇孰成技進蔚文采

楚楚華身竟何補茫乎三界同傳舍而我與君俱逆旅
不如回首依老褐妙精明心求許與鳴暉委畹稿壤餘
脫畧秋風卽高舉

同吳興尉錢濟明南溪泛舟

釋道潛

枇杷弄實梅欲黃海氣冥冥錯昏晝僧房亭午隘可鄙
画舸從君逐溪溜畫紛翳眼前失但覺波光翻縠縐
蘋花洗雨白雪香荷柄吹風青玉瘦四看行人走南北
蠢蠢岸傍如蟻鬪一竿落日麗譙明繞郭雲山相倚構
嶄嶄青壁映彤霞轉盼忽驚開錦繡好將傑句爲余寫

天乞君才多穎茂錦囊玉刻厭傳玩燕尾鱗頭吾未究
輕橈欲動蹇淹留城上哀笳淒已奏

和孫莘老遊龍洞

釋道潛

幢隴杲日破林垞笑語相將馬暫停路與猿猱爭險谿
身隨鴻鵠入青冥巉巖曲穴疑無底蟠屈蒼虬信有靈
能使謝公詩興動宛如遊亦發新硎

茗溪道場山

釋道潛

東風吹雨過城闌日照河堤柳映津兩漿差差擺燕尾
千山漠漠散魚鱗長綠絕境關幽夢尚喜茲遊及暮春

蘭蕙未衰桃李在蜂喧鳥咽莫怨人

戲招李無悔

釋道潛

淋漓一雨過穩山洗出西湖小
霽天炯炯魚鱗含倒影
飄飄羊角卷荒阡野塘白芡珠盈斗
幽浦紅蕖錦繞船
冷炙殘盃當已厭好來波際弄嬋娟

夏夜知果懷武康令毛澤民

釋道潛

暮磬寥寥殷上方籠紗朱火影微茫
窻虛竹淨雨初闌
雲潤星輝夜更涼落枕松聲驚瑟瑟
撲簾香霧靄蒼蒼
遙憐散髮東堂老正卧風漪六尺床

澤民自號東堂老人

過王師室觀雪川范生梅花

釋道潛

桃李韻籬俗江梅獨清妍幽姿有時覩如揖姑射仙從來丹青手默數三四賢徐熙擅江左趙子名西川中間復誰何絕特推老邊風流迨茲泯范子俄超然迺知茗嘗勝秀氣常回旋斯人非畫師勢利不可鐫興來卽揮毫遊戲三昧前一枝豈易得答子能拳拳橫斜有餘態肌粉含霏烟我來玩几席歎賞徒留連恨無處士詩二妙相並傳

吳興藝文補卷之四十八 終